

Date – 27/05/2025

Time - 7:30 -7:40Hrs

AKASHVANI AIZAWL
REGIONAL NEWS BULLETIN
HEADLINES (MORNING)

1. New Delhi a cham mek Chief Minister Pu Lalduhoma a chuan Union Defence Minister Rajnath Singh leh Civil Aviation Minister te kawmin Mizoram tana thil pawimawh hrang hrang a sawipui.
2. Social Welfare Minister Pi Lalrinpuiin Sethawn Jordan Centre chu ruihhlo ngai enkawl-na- aftercare centre leh deaddiction leh rehabilitation centre atan hman turin rawtna thehluh a ni a ti.
3. Prime Minister Narendra Modia chuan nimin khan Gujarat-a Bhuj leh Dahod atangin hmasawna project cheng vaibelchhe sing 7 leh sang 7 hu a hawng.
4. Sawrkarin Parliament Palai a tirhchhuahte chuan ram hrang hrangah Pakistan-in firfiakte a tanpui dan an puangdarh mek.

<><><>

CM

New Delhi a cham mek Chief Minister Pu Lalduhoma a chuan Defence Minister Rajnath Singh a hmu a, Mizo Territorial Army Battalion chu thla thar June thla atanga bultan tur a nih thu leh Mizo thalaite tana hna siamtu pawimawh tak a nih tur thu a hrilh a, Mizo Territorial Army Battalion din a nih theihna kawnga hma a lakpuina avangin lawmthu a hrilh a ni.

Chief Minister hian Mizorama kawngpuite tha zawka enkawl theihna turin Mizoram chhunga National Highway leh State Highway te chu Strategic Highways a puansak turin Defence Minister hnenah hian a thlen bawk a ni.

Defence Minister hian Mizorama Private school te chu Sainik School te nen Public Private Partnership (PPP) model-a thawhdun theih a nih thu a lo hrilh a, private school te chuan online a application an theihluh a ngaih thu leh, private school thlanchhuah te chu Sainik School anga pawm theih an nih thu a sawi.

Chief Minister hian Union Civil Aviation Minister Pu Ram Mohan Naidu a pisaah tlawhin, Mizoram chhim lamah Airport din turin a ngen a. AAI kuta Lengpui Airport hlan chungchang pawh an sawi a ni. PM- UDAN Scheme hnuaia heliport din dan tur te an sawi bawk.

Union Minister hian Mizoram chhim lama Airport siam a nih theih nan hma a lak tur thu hrilhin, an inkawmnnaa tel ve AAI thuneitute chu a ranglama Mizoram sawrkar hnena Lengpui Airport offer siam tura tih a ni. An offer hi Mizoram sawrkarin a lo zirchiang leh phawt ang.



GOVERNOR

Larsap General (Rtd) Vijay Kumar Singh an ramchhung hmun hrang hranga chengte chanchin ziahna tam zawk chu anmahni awpbettute ziah a nih avangin mahni chanchin dik tak mahni hnam ngeiin pholan a pawimawh a ti.

Nimina Mizoram University-a School of Humanities and Languages, Mizoram University (MZU) Dean ni mek Prof. Laltluangliana Khiantge lehkhabu ziah pathum, Anti-Colonial Chieftainess: Lalnu Ropuiliani, Indigenous Tribal Warrior: Pasaltha Khuangchera leh Anti-Colonial Hero: Mizo Lal Zakapa tih lehkhabu a tlangzarhnaah he thu hi Larsap chuan a sawi a. Larsap chuan midangte hriata hnam ziarang dik tak pholang a, thangtharte hnena mahni chawr chhuah dan dik hrilh chhawn a nih theih nan mahni hnam ziarang mila dik taka history ziah that

leh a tul thu a sawi a, hemi tur hian zirchianna nasa zawka kalpui pawh a tul a ni, a ti.

Larsap chuan Prof. Laltluangliana Khiangte chu literature, zirna leh Mizo hnam ziarang vawnhim lama sulhnu ngah leh thiamthil ngah tak a nih thu sawiin, Padma Shri (2006), Sangeet Natak Akademi Puraskar (2018) leh Rastriya Lok Bhasha Samman (2003) chawimawina a dawnte chuan Indian arts leh culture vawnhim kawnga a thawh hlawk zia a tarlang a ni, a ti bawk.

(DIPR)



OBESITY

National Programme for Prevention and Control of Non Communicable Diseases (NP-NCD) State Programme Coordinator Dr. Martin Chawngsailova chuan Mizoramah nun dan hrisel lo avangin mihring rit lutuk, overweight leh obese an pung chho zel tih a sawi.

Akashvani palaiin a kawmnaah he thu hi sawiin Dr. Martin Chawngsailova chuan Mizoramah mi tam takin hunbi mumal nei lovin nitin hun an hmang thin a, hei hian taksaah nghawng tha lo a neih thu leh changkanna anga mi tam takin an ngaih zan reia khawlaia thil ei, street food te chu taksa tan a hrisel lo a ni a ti.

Mizoramah mihring rit lutuk, obese an tih chu inchhiarna leh data mumal tak awm lo mahse obese thlen hmaa thleng thin, san zawng mila mihring rihna tur tehfung aia rit, overweight an tih chu mi tam tak an awm chho mek a ti a. Hun hman dan uluk a, nun dan phung pangngai leh hun bi fel taka nitin nun hman a pawimawh thu a sawi a ni.

Byte of Dr. Martin Chawngsailova.....

(Corr)

<><><>

NASHA MUKT ABHIYAN

Social Welfare & Tribal Affairs Minister Pi Lalrinpuiin Sethawn Jordan Centre chu ruihhlo ngai enkawl-na- aftercare centre leh deaddiction leh rehabilitation centre atan hman tura duan niin rawtna thehluh a ni a ti.

Nimina ram puma ruihhlo dona programme kal mek Nasha Mukt Bharat Abhiyaan review meeting, Aijal Club Conference Hall, Aizawla a kaihhruaiah he thu hi Minister chuan a sawi a. Minister chuan Jordan Centre chu enkawl turin Presbyterian leh Baptist kohhran te sawm an nih thu a sawi a. Presbyterian kohhran te pawh an phur viaua an hriat thu sawiin Jordan Centre chu an la thei a nih chuan after care hna an thawh theih dawn thu

a sawi a. Department bungrua leh engkim an rin nghal theih thu a sawi a ni.

Minister chuan reiloteah centre accreditation rules peihfel an inbeisei thu a sawi a. State Drug policy neih theih nan hmalak chhoh tan a nih bawk thu sawiin hetah hian inrawnkhawmna lamah zau zawkin an tih chhoh a tul thu a sawi.

Byte of Minister.....

Pi Lalrinpuii chuan Accreditation dan awmsa ah a hremna dan lam a awm loh avangin siamthat leh mek a ni a ti a, tun hma zawng aini ruihhlo do dan, demand reduction, supply reduction leh harm reduction-ah te Mizoram bakah ram pum anga beihpui thlak a tam tawh hle a, a result pawh hmuh mawlh mawlh a nih thu a sawi a ni. India ram state te ruihhloin a nghawng dan a inan loh avangin sorkar laipuiin khairual taka scheme leh puihna a siam te a duhkhawpawm loh hle a ni a ti a. Mahni state in ruihhlo do dan tura mamawh kan neih avangin sorkar lama hnarkaitute awmze nei zawka tanrual a ngaih thu a sawi a ni.

Minister chuan Nasha Mukh Bharat Abhiyaan atan district tinah DC te kaihhruainain district committee din a nih thu a sawi a, he committee hian ruihhlo la ti ve lo te venhimna atan district tinah kawng hrang hrangin hma an la a ti a. District tinah master volunteers 50 zel awmin district tina master vounteer te zawng zawng mi 550 chu training pek vek an nih thu a sawi a ni.

(Corr)

<><><>

KOLASIB OIL PALM

Kolasib DC Pu Robert C.Lahmangaiha chuan Bukvannei a Godrej Agrovat hmalakna leh Oilpalm chingtute Oilpalm huan thenkhat a tlawh a.

Godrej Agrovat Ltd. ten Mizoram farmer te chuan an dinhmun tlangpui te lo hrilhfiahin, Oilpalm an hralh zat mila sorkar laipuiin viability gap funding atanga sum a pek tur a la pek theih loh thu te leh an harsatna hrang hrang te lo hrilh in, hma lakpui turin an ngen a ni.

He hunah hian DC chuan Oilpalm hmalakna kuthnathawktuten an hlawkpui chu lawmawm a tih thu sawiin, Oilpalm farmer ten an hmalakna a hma an sawn zel theih nan District level a a tih theih chinah hma a lakpui zel tur thu sawiin, remchang hmasa berah Oilpalm hmalakna leh farmer te hmakhua ngaihtuahin District level meeting neih a nih tur thu a sawi a ni.

Godrej Agrovat Ltd hian financial year liam ta ah khan farmer te tharchhuah Oilpalm rah metricton 5300 leisakin chu chu cheng nuai 767 man vela chhut niin, heng oilpalm rah an her atanga hian crude oil 953 metric tonne herchhuakin, heng a oil herchhuah hi State pawna refinery ah an thawh thin a ni.

(andrew kolasib PTC)

<><><>

AIR NEWS ON SOCIAL MEDIA

Chanchinthar hi Akashvani Aizawl atanga puan a ni a. AIR News Aizawl Youtube Channel, All India Radio News Aizawl Facebook page leh newsonair.gov.in ah te chanchinthar hi ngaihthlak leh chhiar theih a dah a ni.

Vawiin chawhnu dar 2 leh a chanve-ah Chanchinthar puan leh a ni ang.

<><><>

TRUCK ASSN

Sairang leh Buichali inkar kawng chhia chu BR GOEL Company in a chhe zual an hnawh dawn a.

Mizoram Truck Owners Association General Secretary Pu Dina Tlai chuan Akashvani zawhna chhangin Sairang leh Buichali inkara an truck a tluk nasat avanga tlan ngam tawh lo tura an inngaih lain sorkar a inrawlh a. Sairang leh Buichali inkar siamtu tur chu NHIDCL in contractor an la thlan fel loh avangin enkawltu a neilo mek a, amaherawhchu PWD Minister Pu Vanlalhlana ngen angin BR GOEL Company chuan sem an lo remti ta a ni.

Byte of Dina Tlau

(CORR)

<><><>

PM

Prime Minister Narendra Modia chuan nimin khan Gujarat-a Bhuj leh Dahod atangin hmasawanna project cheng vaibelchhe sing 7 leh sang 7 hu a hawng. Bhuj-a vantlang inkhawmah thusawiin Pu Modia chuan heng project te avang hian India chu tuipui lama eizawnaah leh energy thianghlim siam chhuah lamah a hmahruaitu a ni thei dawn a ni a ti a. Pu Modia chuan mipuiten an mamawh ang kawlphehtha a thlawna an neih chu sawrkar thil tum anih thu a sawi a. Hemi atan hian PM Surya Ghar Muft Bijli Yojana pawh kalpui anih thu a sawi a ni.

(Newsonair)

<><><>

DELEGATES

Sawrkarin Parliament Palai a tirhchhuahte chuan ram hrang hrangah Pakistan-in firfiakte a tanpui dan an puangdarh mek a. Shiv Sena MP Shrikant Shinde kaihhruai all-party delegation te

chuan nimin khan Congo Foreign Affairs Minister Kayikwamba Wagner an hmu a ni.

NCP (SCP) hruaitu Supriya Sule kaihhruai party tin palaite pawhin nimin khan Qatar Interior Affairs Minister of State Sheikh Abdulaziz bin Faisal bin Mohammed Al Thani an hmu a. Pahalgam firfiaka chena a dem avangte, Operation Sindoor leh India in firfiaka chetna a dona kawnga a thlawp that avangin lawmthu an hrilh a ni.

Hei bakah hian JD(U) MP Sanjay Kumar Jha-a kaihhruai team te chuan nimin khan Seoul ah South Korea National Defense Committee of National Assembly Chairperson Sung II-Jong an hmu a. DMK MP Kanimozhi kaihhruai team te pawhin Slovenia Foreign Policy Committee Chairperson an hmu a. Slovenia lam pawhin firfiaka chetna an dem thu an lo hrilh a ni.

(Newsonair)

<><><>